


68. Ngaku Banjangan



STOFMAP FOLIO

NGAKU-BUJANGAN

Di rekam di:
Rumah Edy Bukitduri
Agustus 1975

B. Edy Setya Budi
Panggilan: Budi/But
Kelamin : Laki-laki
Lahir : Gombong (Jawa)
18 tahun di Jakarta
Keturunan: Jawa
U M U R : 25 tahun
Pekerjaan: Pegawai biasa

W. Woro Roch Utami
Panggilan: Wro, Wor, Woq, Roq
Wowoq, Woroq.
Kelamin : Perempuan
Lahir : Jakarta
Keturunan: Jawa/Sunda
U M U R : 22 tahun
Pekerjaan suami pegawai biasa
Hubungan : Istri Edy

A NGAKU - BUJANGAN

I

1. EDY . (B)
2. WORO . (JAKARTA) 22 #B . (W) .

A
I

NGAKU BUJANGAN

1. Edy (B) .
2. WORO (JAKARTA) 22 #B (W) .

W. Nggaq, cuman nanyaq, katè gitu:
"Rumahnyè dimanè?"
"No, no," gitu, "deket rumahnyè. Rumahnyè
jelèk, kontrakan."
"Ó, pantes."
"Èmang kenapè siq, adè apaqan siq?"
Gitu namènyè temenye sa--- temenye
si Tatiq. Sahabatnyè Tutiq jugaq.
Terus, udèh gitu, èmang kenapè,
critain terusnyè begini.
"Fadilah kan dia ada maèn kan amè
temen guè," katènyè gitu, katè mbaq
Sriq jugaq, abis kasian ajè takut-takut
diè katènyè udèh punyè biniq.
"Ó, èmang udèh punyaaq biniq, tu
rumahnyè. Udèh punyaaq anak tigaq." Gitu.
"Itu biniqnyè jelèk," katè gitu.
"Ó, tapi biniqnyè jelèk," katè gitu.
"Èmang, èmang Fadilah orangnyè gitu dèh,
enggaq bolèh ngliat cèwèq cakep,"
katè gitu, katè diè jugaq, katè si Tatiq
nih.
E, "Nih, ló dateng kesini."
"Enggaq, guè siq, guè siq pèngèn nyelidik
ajè."
"Kasian temen guè."
Diè ngakunyè bujangan, gitu.

Diè critaq dèh, amè mbaq Sriq segalaq.
Tapi nggaq dibilang diè pacaran amè
mbaq Ciq, supayaq kebongkar semua tuh.
Rahasia Fadilah tu, kaloq begitu, yè?
Ah, èmang katè gitu.

"Tu diè, tu rumahnyè."

"Ó, entu rumahnyè."

È, udèh gitu, udèh pulang. Si Tatiq
maèn kerumahnyè Fadilah. Critaq amè
biniqnyè. Katènyè, critaq dèh:

"Kitè kan samaq-samaq perempuan.

Nggaq, guè nggaq rèlaq," gitu, temen
guè tuh.

"Begitu kan lakiq ló, adè maen ama,
ama orang ini. Pokoqnyè amè cèwèq,"
gitu. Terus:

"Dimanè, Tat?"

"Nggaq tao dèh. Pokoqnyè kitè katè temen."

Diè dateng kerumah Tutiq. Tapi enggaq
dikasi ni, cuman dikasi alamat
rumah, enggaq dianterin. E, dateng
berdua amè Tatiq. Udèh gitu, Tutiq
nggaq ngakuq. Kan nggaq kenal amè
mbaq Ciq kan. Bó, nggaq begitu kenal
gitu, lagi kan nggaq tao rumahnyè.

B. Iyè, hmqm.

W. Lagi kan, nggaq tao rumahnyè, dateng
critaqnyè.

"Tut, denger, Tut, laki... lakinyè siapè,
anak manè si Tut?" Gitu.

"Ah, pokoqnyè adè ajèh," katè Tutiq gitu.

"Tutiq ini dong, e... sebagé cèwèq,
sama=sama cèwèq mesti kasi tao dong,
jangan begitu."

"Ah, enggaq ah," katè gitu, katè Tutiq.
Gitu amè Tatiq, udèh, sekali.

Keduaq kalinyè biniqnyè dateng sendiriq.
Biniqnyè wadilah.

"Amè orang manè tuh lakiq saya maèn-maèn?
Pantesan tuh tiap malem nggaq adè
dirumah. Bilangnyè nglembur, malem
mingguq kalo pulang tuh."

Sukaq nginep kan Fadilah kan dulu.

Tapi tidurnyè didepan. Diè sukaq
amè temenyè Dèdiq tuh, beduaq kaloq
dateng tuh. Kalo dateng beduaq pasti
nginep tu malem minggu . Katènyè:

"Kaloq ini sukaq nggaq pulang?" katènyè
gituh. Bilangnyè nglembur. Masaq
nglembur ampèq tiap malem, abis
nganterin mbaq Ciq. Kalo pulang kerjaq
tuh. Tiap dèh, pulang kerjaq tu samaq
ama mbaq Ciq. Pulang malem, malem
bilangnyè nglembur, katènyè. Kaloq
anaknyè nangis, apè-apè sekarang nggaq
pernah di ini, diacuin ajè gitu. Terus:

"Emang saya tuh taoq," katènyè gitu.

"Pokoqnyè tu, dia tu berubah semuaqnyè," gitu. "Uang belanjaq jugaq sekarang nggaq pernah ngasih," katènyè begitu. Katènyè begitu.

Tao uangnyè dikemanain. Tapi nglembur setiap hariq, katènyè siq, katènyè gituh. Lemes dèh, baiq . Tutiq jadi kasian jugaq, ya?

"Nggaq taoq abis Tutiq jugaq. Cuman kenal anaknyè doang," katè gitu.

"Tutiq jangan begitu," katènyè gitu.

"Kasi taoq ajè."

"Nggaq, nggaq taoq, nggaq taoq."

Tetep Tutiq nggaq taoq ajè, itu, yè, udèh. Dateng lagi Fadilah tuh. E, itu, biniqnyè, dateng terus. Dateng, ngededes. A, terus, ahirnyè tuh, dateng jam sepuluh malem, è, jam sembilan kerumah Tutiq. Bari bawaq anak, nangis, abis berantem kaliq, yè?

"Tut, cobaq kasi tao , Tut, anaknya yang mana," gituh. Terus, kan terus didedes ampèq nangis. Nangis, katènyè, biniqnyè Fadilah tuh. Dikasi taoq amè Tutiq.

"Bukit Duriq." Nomer segini, segini, gituh. Jam sepuluh sampèq rumah kan.

"Saya nggaq punyaq uang," katènyè gituh. Biniqnyè critaq amè Tutiq. Tutiqnyè terus dateng kerumah, diomèlin amè Mamih. (ketawa)

Ditegor amè Mamih ampèq sekarang terus nggaq dateng-dateng, nggaq pernah maèn-maèn lagi. Tutiq kan pernah diomèlin Mamih.

"Tutiq jangan begitu, yèh, bikin maluq," katènyè. Ngasi tao rumahnyè padahal amè Tutiq nggaq dikasi alamat jelas lóh. Cuman Bukit Duriq, nggaq dikasi taoq nomer. Bukit Duri putran. Namaqnyè Sriq. (ketawa)

Abis gitu udèh cuman nggaq dikasi nomer, nggaq taoq nomernyè. Diè nanyaq-nanyaq tapi ketemu jugaq ahirnyè. Diè kesini nanyaq-nanyaq di Kepodang. "Sriq Bayer, Sriq Bayer."

Semua ditanyaqin ke Manyar-Manyar segalaq. Kayaq orang gilaq biniqnyè. Terus katè Tatiq he. Terus udèh begitu, yè, katè Tatiq: "Ó, kalo gituh jug--- kaloq gitu gang entu, yè, si Seriq," katènyè. (ketawa)

Kaloq gitu si Seriq jugaq, katènyè.

Enggaq taoq si Tatiq. "Tao begitu,"

katènyè. "Guè nggaq kasi taoq dèh,"

katènyè. "Kaloq èmang Seriq," katènyè.

"Guè kasian ajè amè biniqnyè."

Jam sepuluh malem dateng. Udèh malem koq.

Tumbèn, berani dèh, bawaq anak lagi.

Waktu Mas Bambang di Ostrali tu duluq.

Jadinyè nggaq taoq.

B. Koq kitè nggaq taoq, yè?

W. Siapa? Kan kitè belum kenal sama kamu.

B. Apaqan?

W. Belon kenal dèh, taoq yang namanyè
Fadilah?

B. Mas Bambang pergi kan, ke Ostrali kan
kitè maèn kesana.

W. Iyè, tapi kan, kamu Mèi kan? Mèi,
Juni, Juli, Agustus kurang sebentar
Mas Bambang maoq pulang. Nah, kitè
hubunganyè, nggaq lama Mas Bambang
pulang kan? Kan?

B. Terus itu. Fadilah nggaq kesitu lagi,
abis itu.

W. Enggaq, terus, è, ini, apè namaqnyè,
kesitu, dijegat mbaq Seriq disitu.
Tiap hari dijegat di, manè? Di
Penjara Wanita. Disitu. Ngajakin
kawin, tapinyè nggaq maoq mbaq Ciqnyè.

W. Kan dateng kerumah. Mintaq maqaf sama Mamih samè... amè bapaq.

"Saya ngaku bujangan," gituh. Terus:

"Kenapa koq ngaku bujangan?"

E, karna kaloq diè ngaku udèh punyaq isteri kan mbaq, mbaq Ciq kan nggaq maoq, katènyè gituh. Jadi sekarang diè, gimanè, kaloq bapaq tu ibuq ngasi mbaq Ciq, tapi diè rèlaq cerèqin isterinyè, katènyè.

Mamih amè bapaq ngliat isterinyè begitu, kasian bener.

"Nggaq usah dèh."

Tapi Fadilah mintaq jugaq.

"La , anaknyè udè tigaq, mao dikemanain?"

"Saya nggaq seneng amè perempuan itu,"

katènyè. "Begitu tu, buq, kaq--- èmang nggaq pelajar," katènyè gituh." E,

apè, maqlum duluq itu saya kawin tuh dijdohin orang tuaq, sama orang tuaq.

Èmang dari duluq saya nggaq seneng koq saya. Èmang apè namanyè, gimanè siq,

diè jugaq, saya jugaq taoq duluq, kaloq maoq dikawinin sama dia. Sampèq sekara ng saya nggaq seneng."

"Nggaq seneng koq punyaq anak," katè Mamih gitu.

"Saya kasian ajè amè dia, nolong ajè."

B. Nolong koq nyakitin ati.

W. Terus amè Mamih nggaq bolèh lah.

Kasian anaknyè, istrinyè.

Udè dèh...